

第四〇二册

明倫彙編

閩媛典

閩烈部

（卷）
癸—九

古今圖書集成

中華書局影印

欽定古今圖書集成明倫彙編閨媛典

第八十六卷目錄

閨烈部列傳四十二

明三十七

徐弘修妻田氏	李曙實妾潘氏
涂昇庸妻王氏	王連達妻姜氏
萬邦孚妻李氏	涂麟妻殷氏
黃鼎妻某氏	李世昌妻張氏 王氏附
里民妻譚氏	劉氏
繡衣女子	葉玉衡妻李氏
徐永令妻彭氏	高維遠妻簡氏
傅秉乾妻文氏	鄧宗啓妻唐氏
王廷卿妻狄氏	萬全珣妻鄭氏
徐嶧母雷氏	田弘錦妻李氏
譚弘勳妻蕭氏	蕭中妻張氏
宋錄女	馮某繼妻沈氏
李成琪妻周氏 成恭妻附	陳瑞妻盧氏
胡良儒妻袁氏	李如琦妻周氏
覃之晉妻向氏	鄭承先妻陳氏
王奇妻尹氏	張鴻業妻李氏
王氏女	金震祚妻譚氏
鄭名世母龔氏	潘有毅妻劉氏 劉氏附
侯令丘妻劉氏	高校妻龔氏 劉氏附
田學謨妻毛氏	徐繹妻劉氏
郭天祚妻顏氏	謝三台妻王氏 三台妻附
汪醇宇妻郭氏	何一番妻王氏
廖姓妻謝氏	唐吉會妻錢氏

駱文吾妻車氏	王氏趙氏
劉大煥妻彭氏	文在中妻張氏
何敏遜妻潘氏	長沙女子
王姓妻詹氏	楊才英妻胡氏
陳奇策妻劉氏	石麟妻周氏
王載妻關氏	胡士柱妻蔣氏
唐世起妻歐陽氏	管聲先妻張氏
劉源澄妻莫氏	伍鳳鳴妻劉氏
李渾妻唐氏	李孟佐妻韓氏
杜小英	嚴循閑妻羅氏
李昌叔妻龔氏	鄧子旬妻李氏
任璋妻高氏	楊賓朝妻丁氏
姜振德妻劉氏	宋世將妻琴氏
余所縑妻湯氏	吳崇教媳陳氏賀氏
熊某妻何氏	胡養冲妻燕氏
鄭人玫妻鍾氏	楊鸞妻鄭氏
鮑啓登妻楊氏	趙昌妻熊氏
潘澍妻史氏	李某妻汪氏
舒洪謨妻向氏	馮學海妻丁氏
唐朝選妻梁氏	王氏女
梁日榮妻粟氏	吳汝潤妻歐氏
胡遵典妻譚氏	朱英武妻黃氏
康國妻賓氏	鄧仁聲妻劉氏
鄭應昌妻劉氏	鄧榮華妻楊氏
張若瓊妻沈氏	倪民恆妻劉氏
李在公妻鄧氏	彭某妻孫氏
劉氏女	熊兆佐妻劉氏

何應舜妻朱氏 應克妻附	汪千偉妻徐氏
朱朝俊妻張氏	余劍光妻晏氏
于宇春女	熊州俊妻甘氏
陶必妻姜氏	熊明遠妻吳氏 徐氏附
徐文珙妻張氏	王格妻黃氏
廖京妻陳氏	劉大紹妻范氏
袁維壩妻羅氏	胡南妻黃氏
涂士春妻何氏	謹台柱妻汪氏
傅婦王氏	吳郁妻某氏 劉氏附
傅遷妻田氏	凌千鳳妻喻氏
陳良驤妻傅氏	藍氏女
劉定先妻鄭氏	李九華妻劉氏
況紹修妻鄭氏	金禮妻范氏
陳可則妻汪氏	王捷妻黃氏
汪祖榮妻程氏 汪通附	熊婦郝氏 附
魏邦亮妻李氏	彭崇榮妻王氏
王九洲妻周氏	黃河清妻胡氏
徐某妻殷氏	淦君鼎妻熊氏 熊氏附
呂氏端香附	熊慶妻張氏
鄒慶六妻王氏	呂遠四妻胡氏
但聰妻傅氏	吳四貞
黃開先繼室李氏	夏既朝妻毛氏 朱氏附
魏光宇妻陳氏 孫氏附	朱景賢妻張氏 二女附
繆用中妻陳氏	王秉陽妻洪氏
萬世奇妻朱氏	鄧調元妻陳氏
邵其德妻湯氏	畢貞士妻吳氏
陳夢禧妻江氏 楊氏附	王遵魁妻李氏

吳憲中妻何氏 戴坊女

郭由謙妻聶氏 張海四妻陳氏

陳龍祖妻王氏 陳寵四妻張氏

張正姑 張子敘妻陳氏

吳文昌妻曾氏 王求與妻賴氏

王林二妻張氏 王茂五妻曾氏

王景妻劉氏 董端一妻楊氏

董棟七妻王氏 張子燧妻陳氏

董心四妻曾氏 董旭二妻丁氏

董受九妻張氏 張湛九妻淑姑

張永姑 曾氏女

陳大望妻王氏 李二妻袁氏

吳瑀妻黃氏 劉祥妻黃氏

揭廷才妻傅氏 傅開新妻艾氏

閩媛典第八十六卷

閩烈部列傳四十二

明三十七

徐弘修妻田氏

按荊州府志田氏江陵諸生徐弘修妻崇禎癸未春賊破白兔湖修死之氏哭奔溺水水淺賊追援欲犯之氏伏泥中大罵被害

李曙實妾潘氏

按荊州府志潘氏宜都諸生李曙實妾崇禎末王寇

殺驛實逼氏爲媳潘開便門投河死三日尸浮顏色如生

涂昇庸妻王氏

按荊州府志王氏江陵涂昇庸妻有儉德甘貧窘壬午賊至昇庸被害氏罵賊擲其怒梓氏髮控馳十餘里至馬驛街逼之不屈縛於杵殺之

王運達妻姜氏

按荊州府志姜氏興山王運達妻崇禎時夫妻避亂巖谷遭賊掠欲污之氏堅不從逼以刃氏曰汝釋吾夫身則聽汝賊如其言氏度夫去遠墜巖而死

萬邦平妻李氏

按荊州府志李氏遠安萬邦平妻崇禎甲戌賊犯遠安李被掠欲辱之大罵不屈爲所縶

涂麟妻殷氏

按荊州府志殷氏江陵涂麟妻年三十夫亡壬午闖賊陷荆二子執去殷被遁藏牆中夜靜以書櫃縱火而焚手抱孫女泣曰吾身守節多年汝亦不幸爲女於此不死更待何時遂與共死殷二子脫歸從鄰姬得骸骨葬焉

黃鼎妻某氏

按荊州府志某氏施州衛黃鼎妻兵燹之後夫亡無棺氏積薪與夫同焚

李世昌妻張氏 王氏附

按荊州府志張氏江陵李世昌妻崇禎癸未夫婦爲賊所掠偕行至於河張與其姨母魏弘化妻王氏同赴水死

里民妻譚氏

按荊州府志譚氏施州衛里民妻甲申軍民內鬩土蠻乘隙肆掠婦女被辱譚臂負幼子隨衆行至竹王沱投水死越二日母子同浮水面

劉氏

按荊州府志劉氏江陵劉汝濟女年十八其夫某罹賊難死劉矢志孀居甲申獻逆大掠倉卒出走與祖母蕭同被執劉謂祖母曰吾家世清白今日之事有死而已遂赴水死旬日汝濟得其尸並其夫合葬

繡衣女子

按荊州府志繡衣女子不知何許人荆賊犯之不從囚之別室遣老嫗勸諭之違則殺焉女曰妾已名登鬼錄非死不欲聞所乞於嫗者死後以抔土掩吾體耳遂俛首受刃顏色不變觀者咸爲流涕

葉玉衡妻李氏

按荊州府志李氏葉玉衡妻衡蜀人官戶部主事致仕值大亂不獲歸乃流寓興山卦子山寨李來亨破其寨見氏美殺玉衡欲掠氏氏給曰埋吾夫則從汝賊從之埋畢氏抱幼女墜巖死

徐永令妻某氏

按荊州府志某氏江陵徐永令妻事翁姑以孝聞崇禎癸未遭賊不屈赴水死

高維遠妻簡氏

按荊州府志簡氏興山高維遠妻太守簡而可女也崇禎己卯寇羅汝才掠境高舉家被獲於巖穴氏度不死攜女墜巖死

傅秉乾妻文氏

按荊州府志文氏江陵傅秉乾妻紀山人夫亡氏方

少艾崇禎癸未攜一子避賊宿林中不入人家子復死賊至不從身受八創而死

鄧宗啓妻唐氏

按荊州府志唐氏施州衛唐一鴻女主事鄧宗啓妻遭世亂唐誓不欲生求死者再俱救免後賊至賦詩留別家人自縊於忠建村

王廷卿妻秋氏

按荊州府志秋氏江陵諸生王廷卿妻卿早亡未及塋葬秋誓免喪當與同穴至期竟不食而死

萬全珣妻鄭氏

按荊州府志鄭氏與山萬全珣妻遭賊掠強之行氏踞地大罵賊怒射殺之

徐嶧母雷氏

按荊州府志雷氏江陵貢士徐嶧母早寡家貧苦節壬午冬闖賊劫掠沙市氏度不免自焚死

田弘錦妻李氏

按荊州府志李氏巴東田弘錦妻弘錦爲賊殺氏自刎死

譚弘勳妻蕭氏

按荊州府志蕭氏與山譚弘勳妻遭亂夫妻被掠行至水邊氏遂投水死弘勳亦從焉

蕭中妻張氏

按荊州府志張氏江陵蕭中妻壬午冬闖賊掠沙市執氏欲污之張罵不絕口死

朱錄女

按荊州府志朱錄女宜都人崇禎癸未賊將張君用屠其父伯全家獨留女遂自殺

馮某繼妻沈氏

按荊州府志沈氏江陵沈肇隆女年十九爲馮某繼室甫一載夫亡姑亦寡沈與姑同守崇禎末賊陷荆氏潛置刀懷間擬賊近即殺之賊覺將劫氏氏大罵激賊刃其面數次猶罵不絕口遂被害

李成琪妻周氏

按荊州府志周氏施州衛人李成琪妻琪弟成琳妻亦周氏賊兵入施二周俱爲所劫出郭赴水死

陳瑞妻盧氏

按荊州府志盧氏遠安陳瑞妻夫亡欲以身殉因姑在恐失養而止及姑沒兄憐其貧而無子勸之嫁遂閉門自縊

胡良儒妻袁氏

按荊州府志袁氏松滋胡良儒妻年二十夫亡悲慟赴水死有袁氏烈婦碑

李如琦妻周氏

按荊州府志周氏遠安李如琦妻夫亡守節三十餘年崇禎末流賊破砦堅巖而死

覃之晉妻向氏

按荊州府志向氏長陽廩生覃之晉妻土司唐鎮邦兵圍晉第晉罵不絕口被殺氏抱尸痛哭贖夫首續以絲口吮血痕收斂土蠻逼氏行至一碗水奮身投巖死有二犬亦隨之土蠻驚異而去鄉人收其屍與夫合葬

鄒承先妻陳氏

按荊州府志陳氏遠安鄒承先妻年二十五夫亡守柩三年自營斂具畢閉門自盡與夫合葬

王奇妻尹氏

按荊州府志尹氏松滋諸生王奇妻夫婦並爲賊所執欲犯之先殺奇尹大罵以夫血塗面拔賊刀自刎死

張鴻業妻李氏

按荊州府志李氏遠安諸生張鴻業妻有淑德崇禎末賊破砦觸巖而死

王氏女

按荊州府志王氏女枝江王彌汝女也許字張維維嬰危疾死女聞號泣不食數日欲往弔父母母不可泣謂叔母曰兒即不往請兄爲代奠死且瞑目父如其言母虞有他變遣婢守之俟婢寢熟潛出投水死

金震祚妻譚氏

按荊州府志譚氏與山金震祚妻夫婦避亂中途被擄賊欲辱氏先殺震祚氏罵曰吾夫慘死吾反受爾辱耶觸石而死

鄭名世母龔氏

按荊州府志龔氏公安諸生鄭名世母爲賊所執誘其子以僞官龔罵賊死賊焚其屍

潘有毅妻劉氏

按荊州府志劉氏監利潘有毅妻崇禎癸未城陷毅被害氏噴血罵賊死毅弟有彝觸牆痛哭並遇害巡按御史疏請表其門

侯令丘妻劉氏

按荊州府志劉氏公安侯令丘妻崇禎癸未隨令丘官北都逆闖犯關令丘知事急欲以劉與送他所劉曰君早自匿勉圖報國其封置我一室中勿以我爲

念令丘如其言脫身去劉自頂至踵皆縫固自縊死
平時針匠黃某康德甫時亦為賊買棺葬之

高校妻龔氏 劉氏附

按荊州府志龔氏公安高校妻賊至欲污龔龔不屈
授首焉其子諸生修儀妻劉氏見姑死抱頸痛哭大
罵亦伏劍屍旁賊衆嘆息而去

田學讓妻毛氏

按荊州府志毛氏公安田學讓妻夫亡無子守側室
子如己出後遇賊被執不屈而死

徐繹妻劉氏

按荊州府志劉氏宜都徐繹妻甲申獻賊殺繹於道
氏攜一女依父母避亂山村父母亡女亦天營將欲
強娶之劉寓書兩兄遂自經死

郭天祚妻顏氏

按荊州府志顏氏與山郭天祚妻性貞淑因亂被掠
強之行不從乘間拔刀自刎死

謝三台妻王氏 三台縣附

按長沙府志王氏諸生謝三台妻長沙人家天井廟
所生子女共五孩台妹適葉亦依兄嫂避亂聞左兵
淫掠夫妻姑嫂子女一索共繫七命同溺而死

汪醇宇妻郭氏

按長沙府志郭氏善化人諸生汪醇宇妻年二十而
寡崇禎癸未避兵山中及子以程俱為兵執郭投楓
樹渡河水死以程隨兵行至王家坪約五里始知母
溺亦赴水死後數日家人覓其屍母子攜手如生

何一蕃妻王氏

按長沙府志王氏諸生何一蕃妻癸未獻賊至夫婦

被執氏有美色殺一番以逼氏曰瘞我夫屍從汝
瘞畢乃大罵赴水死

廖姓妻謝氏

按長沙府志謝氏湘鄉人適農夫廖姓者崇禎末為
張先壁所俘求脫不得乃指懷中子給兵曰吾夫匿
輩中以子付之即從爾賊以為然謝至河岸抱子投
水死

唐吉會妻錢氏

按長沙府志錢氏湘潭人貢士唐吉會妻夫為獻賊
所執將殺之錢急呼曰勿殺須我出既出賊縱其夫
索金錢給之曰須夫還取乃得又密語夫夫去久不
至賊欲汚之因大罵而死

駱文吾妻車氏

按長沙府志車氏駱文吾妻癸未避兵郭家冲被執
以刃加頸逼首其夫所匿處伴許諾引至油舖橋投
水死除夕獲其骸面色如生

王氏趙氏

按長沙府志王氏黎天俊妻趙氏蔡三遠妻俱長沙
人崇禎末賊兵沿鄉炮烙二婦同匿藪菁中俱被執
迫告夫所匿處二婦誓死不言同斃刃下兩夫皆得
脫於難

劉大煥妻彭氏

按長沙府志彭氏茶陵人諸生劉大煥妻避亂黃塘
夫婦俱被執彭厲聲曰軍殺我勿殺我夫言未竟遽
奪刀自刎夫竟得免

文在中妻張氏

按長沙府志張氏諸生文在中妻癸未獻賊亂氏與

諸婦女匿山中賊至疾驅諸婦下張抱樹大呼不移
跬步卒被殺樹下

何敏遜妻潘氏

按長沙府志潘氏湘陰何敏遜妻何寄籍善化避亂
家於山中夫婦相倚為命獻賊搜山潘行絕壁下度
不能脫顧何曰君其速避妾得死所矣行不數武觸
石而死其地則花石崖也

長沙女子

按長沙府志崇禎末獻賊陷城兵吏皆逃惟女子執
戈登城賊入擊之賊曰官兵不守汝一女子何能為
女曰吾以愧天下之為男子者大罵以戈逐賊遂遇
害不知其姓氏

王姓妻詹氏

按長沙府志詹氏王姓妻其夫出就學鄰豪觀其美
誘以金不從越明年遭獻賊之難被執行經絕壁奮
身躍入深淵而死

楊才英妻胡氏

按長沙府志胡氏楊才英妻寧鄉人為左兵所執逼
解衣胡搶地大罵曰吾大家婦豈辱於汝賊怒剖
其腹死閱數日不腐里人哀而殮之

陳奇策妻劉氏

按長沙府志劉氏茶陵人諸生陳奇策妻值寇變舉
家驚竄氏慮不免溺水死寇憫之從汚泥中抱出氣
已絕矣

石麟妻周氏

按長沙府志周氏石麟妻善化農家婦也年二十夫
死鄰家謀娶之周堅拒而止左兵肆掠為所獲怡然

就道行經龍潭奮躍入水死

王載妻關氏

按長沙府志關氏湘潭人諸生王載妻獻賊亂夫婦被執俱死于安方五歲坐哭屍旁七日奄奄未絕有虎往來不嚙田夫聞哭聲救出載弟覓兄嫂屍合葬之攜安歸

胡士柱妻蔣氏

按長沙府志蔣氏諸生胡士柱妻崇禎末寇至柱挈家遠竄被執柱以蔣故不忍去見殺將奮身伏屍痛哭賊械繫之罵益厲哭益慟賊怒斷其首賊退家人覓其屍神色如生

唐世起妻歐陽氏

按長沙府志歐陽氏湘潭人唐世起妻癸未獻賊亂夫婦並為所執氏陰語夫曰汝與子逸去我自為計及夜夫攜子逃賊且詰之以實告怒而殺之賊去其子覓至死所已越月面色如生

管聲先妻張氏

按寶慶府志張氏武岡諸生管聲先妻丁亥被掠不辱逼之行至南門水南橋躍馬入河而死

劉源澄妻莫氏

按寶慶府志莫氏諸生劉源澄妻崇禎癸未源澄督鄉勇復城不克死之氏號呼數日極至一慟而絕

伍鳳鳴妻劉氏

按寶慶府志劉氏邵陽諸生伍鳳鳴妻丁亥之變鳴為兵所獲氏遂投崖死

李渾妻唐氏

按寶慶府志唐氏貢士李渾妻歸李恪恭婦道刺紡

佐讀不怠癸未之變竄處梅塘鄉為兵所迫赴水死

李孟佐妻韓氏

按寶慶府志韓氏邵陽諸生李孟佐妻年十八而寡孀居四十年聲不出閨年六十聞獻賊破城自縊死

杜小英

按寶慶府志杜小英小字湘娥武岡女子為大兵擄至小姑山為詩數絕繫于衣帶投水而死屍逆流至洞庭浮數日顏色如生衣帶不解或云辰州人衣帶繫詩云去鄉漂泊已經春今日含羞到漢城忽聽將軍搜索令教人爭敢惜餘生征帆聞說到雙姑血枕啼魂怯夜鳥早入江波葬魚腹不留冰骨尋為俘當年畫閣惜如珍野行而今也逐人寄語爹娘休聽戀入江猶是女兒身平生經歷不堪題此際浮沉理總齊河伯有心憐薄命將身流向洞庭西顧影江干只獨悲求辭鸞鏡委蛾眉朱門空許諾秦晉死去相逢總不知

嚴循閑妻羅氏

按岳州府志羅氏華容嚴循閑妻年十八于歸閑貌寢而拙暮年生一女無何為夫棄不入其室者十餘年氏獨與女共晨夕久之循閑病且死氏侍牀側私自泣指其女謂姑曰脫不諱當以身殉願姑善視此女比循閑死既殮至夜靜自經棺側

李昌叔妻龔氏

按岳州府志龔氏澧州諸生李昌叔妻賊一隻虎入遭掠氏氏罵賊不屈遂及於難

鄧子旬妻李氏

按岳州府志李氏華容鄧子旬妻年二十旬亡李觸

槐而死

任璋妻高氏

按岳州府志高氏澧州任璋妻年二十六夫亡無子父母欲奪其志引刀自刎學使旌其門

楊賓朝妻丁氏

按岳州府志丁氏臨湘楊賓朝妻崇禎癸未獻賊渡江走避亂山中每語夫曰若遇賊誓不受辱後果為賊執不屈死之

姜振德妻劉氏

按岳州府志劉氏姜振德妻閩賊陷城夫與姑俱被殺劉自縊死

宋世將妻翠氏

按岳州府志翠氏永定衛指揮宋世將妻世將未襲職而沒氏年二十餘苦節撫孤昌引承襲祖職年四十餘遭亂懼辱自縊死

余所蘊妻湯氏

按臨湘縣志湯氏余所蘊妻崇禎癸未寇警氏別其伯姆云若遇賊不復相見矣無何避寇白泥湖被執將殺之其子承兒甫八歲跪賊曰寧殺我母殺我娘子母遂相抱赴水死

吳崇教媳陳氏賀氏

按常德府志陳氏賀氏皆吳崇教媳獻賊破常德為所獲相與詬罵賊先殺陳以脅賀賀罵益厲復殺其子賀瞑目罵益厲賊剖其腹噴血丈餘而死

熊某妻何氏

按常德府志何氏常德衛何其禮女適熊某生一子遭亂俱陷兵中氏謂其夫曰君以妾故不能脫歸至

與子俱陷是妾一身誤夫與子不如妾死君挈子逃歸以續熊氏後次早牽子江邊痛哭別見者皆淚下時江水暴漲氏趨投江衆呼其夫氏搖手止之遂躍入而死

胡養冲妻燕氏

按常德府志燕氏生員胡養冲妻崇禎癸未冬避亂黃溪港養冲遇賊被斷兩手執氏欲污之氏攜女善貞赴火死邑令親臨弔之

鄭人攻妻鍾氏

按常德府志鍾氏生員鄭人攻妻年十九爲賊所擄囚禁慘逼至死不從飲食不進賊怒破其胷罵不絕口而死

楊鶚妻鄭氏

按常德府志鄭氏總督楊鶚妻獻賊至氏率二妾出城遇賊城外叱跪鄭曰朝廷命婦肯跪賊耶謂兩妾曰爾等艷色必遭所污何以見而主地下立視兩妾伏劍乃自破面觸城以死

鮑啓登妻楊氏

按常德府志楊氏諸生鮑啓登妻年二十餘夫亡矢志守節嘗泣告夫靈曰本欲相隨泉下以婦姑在堂子女俱幼不忍遽棄耳教長子延年入郡庠歷十九年如一日崇禎壬午姑死殯于家癸未風鶴空城楊氏扶喪避之圍堤是冬獻賊破常道經其居延年被執不屈遭殺幼孫恆罵賊死氏頓足視賊曰吾子若孫皆死汝手何能獨生賊憐之而去氏入戶取書數篋以枕子首曰吾兒烈士無負聖賢良久呼天號慟抱薪厝火身與茅屋俱燼焉

趙昌妻熊氏

按常德府志熊氏安岳縣令熊應期女適郡諸生趙昌年二十獻賊破城被擄脅污不從罵曰要殺即殺決不受辱賊以刀背傷其兩臂氏罵益甚賊遂剖其腹而死

潘澍妻史氏

按常德府志史氏郡諸生潘澍妻年二十餘聞賊破城剽掠鄉曲氏見賊至趨赴橫港水淺露髮賊起之逼上馬氏怒罵不止賊截其口即以口血噴賊賊磔之而去

李某妻汪氏

按辰州府志汪氏沅陵貢士汪大猷之女適生員李某夫亡誓以死守崇禎末寇掠辰州見氏有殊色遂扶掖上馬氏以遺孤付翁少川囑令逃去墜馬觸石而死

舒洪謨妻向氏

按辰州府志向氏辰溪人生員舒洪謨妻年三十二夫亡殮畢自縊死有司奏聞詔旌表

馮學海妻丁氏

按靖州志丁氏生員馮學海妻崇禎末兵亂氏與其姑馮氏共被執不屈相攜投五龍潭而死

唐朝選妻梁氏

按靖州志梁氏生員唐朝選妻攜女月環避亂母女同被執于紅門塘不屈投水死

王氏女

按靖州志王氏女衛指揮王辰女也年十五許聘陶絃未歸而絃死女請于父母往弔之哭奠回坐輿中

自經而死事聞建坊旌之

梁日榮妻梁氏

按靖州志梁氏籍紳梁日榮妻崇禎末爲兵執于平村不屈而死數日殮之面色如生

吳汝潤妻歐氏

按衡州府志歐氏諸生歐從女孝廉吳汝潤妻崇禎癸未逆獻縱掠氏匿山中被執將逼之氏罵曰死賊當且夕殄亡乃敢迫我因揮礮中賊賊怒砍其頰而去賊退家人撫其膺氣猶溫強療之得甦復舉二子森楫皆爲諸生年六十侍夫栖志林谷邑人莫不賢之

胡遵典妻譚氏

按衡州府志譚氏衡陽胡遵典妻崇禎癸未獻賊之亂譚被執不屈賊拔劍刺其腹以死

朱英武妻黃氏

按衡州府志黃氏衡陽庠生朱英武妻年及笄歸朱善事姑能習內則諸訓生二女長工秀次照秀崇禎末大馬副總兵掠衡西北鄉所過村落荒廢相望英武挈家走來黃年二十九長女甫九齡次七歲倉皇謀避地會霖雨不得行黃度不免欲自縊英武固止之曰寧有預死以待禍之理萬一倖脫將何追夫婦相與徬徨終夜及曉兵果至遇其婢于門殺之驅英武及妻女俱去行數十武縛英武殿之索其金英武告以饑貧侍館穀自養僅餘數金置某所衆兵爭取之黃亟挈二女共躍入池中死時沍寒池冰將結軍士欲挽之已無及相顧愕眙乃拔刀斫英武及兵退英武竟得甦訊妻女所在越數日池水解三尸俱浮

顏色如生兩女猶堅握母裙不釋聞者莫不悲之

康國妻黃氏

按衡州府志賓氏小字丁香衡山諸生賓應范女崇禎庚午年十五適康國越六年夫亡氏毀容垢面晨夕對木主隕泣五年如一日及衡湘亂作從父母匿白雲山遊騎四掠舉家被執騎卒欲盡殺之氏給曰舍我父與弟吾願以身奉百年騎卒喜立釋之驅氏行至柳樹塘忽大哭曰此吾死所矣遂赴水死

鄧仁聲妻劉氏

按衡州府志劉氏桂陽州人小字戊妹諸生鄧仁聲妻崇禎末衡州為郝鎮兵所陷夫素知其烈慰之曰萬一不測當勉存為諸子地劉佯諾之及兵大至劉度不免乃碎磁自刎久之夫得其屍于亂骸中面色如生

鄒應昌妻劉氏

按衡州府志劉氏衡陽諸生鄒應昌妻崇禎癸未賊陷衡昌攜劉匿麥園鄉石巖中寇搜得之指應昌曰汝夫耶劉曰非是賊將逼之大罵曰死賊何敢犯我遂引刀自殺而應昌得脫

鄒榮華妻楊氏

按衡州府志楊氏衡陽衛卒鄒榮華妻崇禎戊寅氏年二十一時臨藍寇逼氏倉皇出走突與賊遇度不免遂赴水死經旬面色如生

張若瓊妻沈氏

按衡州府志沈氏衡陽諸生張若瓊妻年十六適張甫兩基崇禎癸未逆獻四掠沈被執強之行不從餌以所掠金玉沈唾之觸刃碎首而死

倪民恆妻劉氏

按衡州府志劉氏衡陽倪民恆妻年二十崇禎癸未獻賊陷衡掠麥園鄉劉被執賊挈之上馬劉大罵不從賊怒剖其心而死

李在公妻鄧氏

按衡州府志鄧氏常寧諸生李在公妻峒獵土官之女性端方年十六歸在公事姑以孝崇禎十一年礦寇攻城鄧被執將污之不從擁至北關橋脫守者失防躍入江心死越五日覓其屍逆流三里許色凜凜如生焉

彭某妻孫氏

按衡州府志孫氏衡陽百戶孫鳴衡之妹彭某妻崇禎癸未獻賊陷衡孫避居易陂町時年三十賊猝至孫匿複壁中賊覺搜出之孫力拒不從賊斷其手猶罵不輟賊怒刺殺之

劉氏女

按衡州府志劉氏女名靜貞衡陽諸生劉思文女許字大恭陳聖典家孫崇禎癸未遇變被賊執不從賊以巨石中其額而死

熊兆佐妻劉氏

按祁陽縣志劉氏祁陽人崇禎間武弁以功食伯爵者熊兆佐妻也佐戰死粵西氏在梧之博白縣聞報一痛幾絕尋收淚曰我豈可泯泯同草木諸婦皆不知其故時有同事周伯府暨左江道林潯州府萬知縣魯及左右協總兵并諸將官之住博白者氏悉召至公廳氏盛粧出見無戚容衆咸怪之徐語衆曰為國死忠為夫死義妾將從忠臣熊公於地下敢與諸

公訣因出二子託焉乃三分其家資一給二子一編兵從一供夫婦祭葬就中有勸之者氏笑曰方今干戈未寧夫早以身殉國區區一女子苟活何為既得死所寧復沮之公等教妾無乃姑息乎各官咸感嘆于是向氏求緩數日曰俾某等致祭然後從夫人便氏曰諾越日受各官祭畢氏升帳上座慷慨酣飲不作兒女狀頃之謝客入閣雉經死至今博白人咸能述之

何應舜妻朱氏

按郴州志朱氏諸生何應舜妻崇禎四年賊鍾林秀陷城朱被執躍入浙波潭死夫兄經歷應堯妻亦朱氏同不屈被殺按察副使臨縣致祭旌其門

汪千偉妻徐氏

按桂陽州志徐氏小字柴秀庠生汪千偉妻年二十七夫亡遺一子一女俱殤徐飲藥而死

朱朝俊妻張氏

按桂陽州志張氏小字申秀年十九適朱朝俊未莽有娠俊病篤囑氏改適撫遺腹存朱後張誓以身殉俊尋歿張遂投井死

余劍光妻晏氏

按豐城縣志晏氏余劍光妻遭亂獨攜幼女避兵崖下兵至欲污之氏曰有死而已毋相逼也遂見殺血染崖石至今猶不變色

于宇春女

按豐城縣志于宇春女受劉羽搏聘未嫁值兵至慮不免赴深潭死

熊州俊妻甘氏

按豐城縣志甘氏熊州俊妻兵至慮逼囑州俊負母逃州俊猶豫氏指水訣曰君勿憂是處乃吾死所遂赴水死直指具題旌表

陶必妻姜氏

按進賢縣志姜氏陶必妻為熊成三強擄不從拔刀自刎死事聞詔旌其門

熊明遠妻吳氏

徐氏黃氏附

按進賢縣志吳氏文學熊明遠妻性端莊嫵媚間未嘗見其嬉笑年二十七生子人定甫辟而夫亡氏撫教成人娶徐刺史來風女訓飭尤至後定為諸生復娶黃氏女為副崇禎丙戌秋兵過里氏同二媳走避龍岐沙洲賊至將殺吳以脅其二婦二婦大罵伏砵身同受刃死

徐文琪妻張氏

按奉新縣志張氏徐文琪妻年二十文琪以痘瘡天氏哀慟以石擊額誓不獨生絕食半月而死直指具題旌表

王恪妻黃氏

按瑞州府志黃氏王恪妻高安人華林兵變同夫渡河恪被兵執黃以身冒刃而死恪竟得免有司旌之

廖京妻陳氏

按高安縣志陳氏名清貞上坊廖京之妻荷山諸生陳良謨女同夫避兵中岡被執不從投水死京赴援亦被殺合葬喻婆山

劉大紹妻范氏

按高安縣志范氏名敬貞連山劉大紹妻年十九避難豐城兵至投水死

袁維壩妻羅氏

按高安縣志羅氏名菊貞羅長女太平門袁維壩妻為兵所獲投井死

胡南妻黃氏

按高安縣志黃氏胡南妻偕夫避兵勢迫南倖脫黃抱一女臥空灘沉沙而死

涂士春妻何氏

按高安縣志何氏名仁貞楊林涂士春妻兵掠之行氏義不受辱過井傍投井死

譚會桂妻汪氏

按高安縣志汪氏名雨貞職嶺人五里譚會桂妻生子友遠方在襁聞兵至誓以必死桂曰其如子幼何汪曰子必善全之但無憂妾也一日兵至汪抱子出走夫婦相失兵退其夫過尋不遇偶過煤井聞嬰兒聲下視之則汪已死端然而坐面色如生兒竟在懷無恙

傅婦王氏

按高安縣志王氏珠湖傅大業弟婦也為兵所執投圍中兵出而濯之炙以火王躍入烈燄焚而死

吳郁妻葉氏

胡氏附

按高安縣志葉氏吳郁妻與吳懷妻胡氏俱少艾避兵於鄉為所獲相繼投塘死

傅遷妻田氏

按高安縣志田氏傅遷妻避兵獨城兵至偕婢投廁中兵拽起濯之見其色美求合不從兵怒斷其左臂復亂刃刺之死

凌于鳳妻喻氏

按高安縣志喻氏諸生凌于鳳妻鳳貧而好學氏以女工佐讀崇禎癸未冬夫婦俱被兵執氏義不受辱憤罵不已兵怒刃之並殺于鳳聞者莫不傷悼

陳良驂妻傅氏

按高安縣志傅氏惠州通判陳良驂妻累封宜人有殊色避兵于荷峰絕頂兵至挾之騎三墜馬下百計誘之終不可屈兵殺之截其髮而去

藍氏女

按高安縣志藍氏女名學貞諸生藍友黃女年及笄避兵於建口嶺遇劫強之騎女給以有金釧瘞沙中遂尋至水深處奮身投焉兵乃刺殺之

劉定先妻鄒氏

按高安縣志鄒氏劉定先妻極貧一子與姑徐氏及鄰媼武氏乘舟避兵值大雪兵坐一小船從上流至勢迫鄒同姑挽手躍入河中同舟死者九人

李九華妻劉氏

按新昌縣志劉氏少參李九華妻李故食貧劉事姑以孝聞戊寅李之任獲鹿縣冬十一月大兵南下逼真定李自定州亟回守禦兵以有備去之逾時復以騎數千薄獲鹿獲鹿故土城署縣事者不知所為劉氏厚犒將吏勵志堅守募死士絕城求援總督盧象昇信總兵王朴言不應拒守八晝夜力竭而陷先是有人材官勸微服亡劉曰守死分也城破先投稚子莫於井偕第三子亮及僕婢等赴烈燄死士民為建取義祠於東郊趙州守王之驥為文紀之

况紹修妻鄭氏

按上高縣志鄭氏名祿貞况紹修妻甲申賊破城人

民潰散鄭年二十六抱幼女避於北門岡園中爲賊所執奪其女欲汚之氏厲罵不屈賊斬其女罵益厲賊怒裸其體裂其膚復刳其兩目斷其喉而去聞者莫不哀悼士大夫俱以詩弔之

金禮妻范氏

按浮梁縣志范氏金禮妻年二十一禮沒姑以其年少欲令再適氏以死自誓遂爲立繼并絕鉛華甘淡泊教嗣子成立崇禎壬午土寇猖獗城中戒嚴氏曰設有不虞我爲未亡人不可走遂不食而死時年三十邑令旌之

陳可則妻汪氏

按浮梁縣志汪氏名秀蘭陳可則妻于歸一載可則亡氏年十九矢志不二葬舅姑及夫營已穴於夫側服闋祭夫畢絕粒七日而死崇禎間詔旌其門

王捷妻黃氏

按浮梁縣志黃氏諸生王捷妻崇禎末潰兵將入境氏方少艾謀避山中未行而潰兵攻縣氏被擄以死拒賊賊怒剖其腹劈其屍而去

汪祖榮妻程氏

汪通陽妻附

按浮梁縣志程氏汪祖榮妻年二十而寡兵亂男女皆逃氏獨不出或詢之曰予無夫而無子安用偷生同族汪通陽妻其姊也憐之畱與爲伴同匿屋側被獲欲汚之皆以死拒鞭筆交下終不從繫之行至清溪俱投水死

熊婦郝氏

附

按南康府志郝氏建昌都諫熊維典之族嫂崇禎癸未冬左兵驟至建昌郝獨抱其子沉於河其婢見主

母溺亦死之

魏邦亮妻李氏

按安義縣志李氏魏邦亮妻崇禎癸未左兵過安義李氏被掠不辱斷其兩手益大罵不絕乃剖其腹斷其支體而死

彭崇榮妻王氏

按安義縣志王氏彭崇榮妻教諭仁榮女左兵過被擄行至鳳凰崖投水死

王九洲妻周氏

按安義縣志周氏王九洲妻左兵猝至被執不屈兵怒以髮繫馬尾拖之四體盡裂而死

黃河清妻胡氏

按安義縣志胡氏南昌里人黃河清妻年二十五於壬午二月十五紅巾盜亂逼至鴈鵲塘投水而死縣令旌之

徐某妻殷氏

按建昌縣志殷氏徐某妻年十七夫亡撫遺腹子國杰姑令改嫁剪髮不從癸未兵亂見執赴水死

塗君鼎妻熊氏

熊氏李氏并呂氏端香附

按建昌縣志熊氏贛州訓導塗君鼎妻贛城陷熊從容謂二媳熊氏李氏曰城陷翁必死我輩安容苟生遂攜二媳併孫及孫女投儒學傍井中死婢呂氏端香俱從焉熊弘祐妻李弘祉妻

熊璽妻張氏

按建昌縣志張氏名璽進士張士璠妹文學熊璽妻兵掠及河氏疾趨投水兵恚加數刃丹血流碧見者嗟異

鄒慶六妻王氏

按建昌縣志王氏釣臺鄉鄒慶六妻崇禎癸未左兵驅掠羣婦至清橋氏不肯度兵持刀下馬逼之氏前奮臂擗裂背穿頰迸血崇禎兵怒殺氏割截十指扶口鑿齒而去

呂遠四妻胡氏

按建昌縣志胡氏名梅貞呂遠四妻歸三載夫亡乃還侍母聞左兵掠汚婦女方食投箸亡何兵南去越兩日復返大索山谷梅貞被執則矯指絕冠曰我新婦願隨將軍但夫遺白金可惜爲他人有兵挾氏往就藏金處過泉塘堤氏從馬上躍入塘兵恚下石塘內已及向塘三叩頭而去

但聰妻傅氏

按建昌縣志傅氏末豐鄉學訓民望女嫁星子縣但聰崇禎末潰將郝効忠標掠過星子望高門大閤即屯營遂婚但氏宅殺聰父及弟皆遇害乃逼傅殺其乳下兒懼之血流沾臂傅無挽色罵賊而死賊行至建昌白棧會鄉勇四合馬步四百餘人一鼓殲焉

吳四貞

按九江府志吳四貞湖口吳孟通女許聘周氏子未嫁周子不得于繼母欲寒其盟四貞聞之懼他適尋赴河死崇禎初直指表其閭

黃開先繼室李氏

按九江府志李氏德化人封兵科都給事中黃開先繼室前室生子雲師李撫視如己出事翁姑以孝聞三子久居禁掖左師東潰李誓不受辱溺金魚池以死

夏既瑚妻毛氏 朱氏附

按九江府志毛氏德化人名大姑省祭毛光卿女母廖氏早寡撫子明遵及大姑誓守清操大姑長適瑞邑諸生夏既瑚年二十夫亡守節二十年左逆屠城罵賊被戮媳朱氏同時奪賊刃自殺有司旌之

魏光字妻陳氏 孫氏余氏附

按九江府志陳氏德化人魏光字妻諸生可遠母生三子早寡截髮自誓甘貧守節娶三婦俱賢李婦孫氏尤孝崇禎末城危孫攜姑避禍母家姑婦指庭前井曰此吾二人致命處也孫氏嫂余氏聞其語欣然相約城尚未陷先期數日三人以次投井而死

宋景賢妻張氏 二女附

按九江府志張氏德化人庠生宋景賢妻幼讀書通大義景賢貧教授生徒以養親張節口求甘旨以供舅姑城將陷張于一室鼎木器積薪于上謂其夫曰此妾致命所也城破果舉焰自焚而死二女一適廖投繯死一適毛奪賊刀自殺

繆用中妻陳氏

按九江府志陳氏德化諸生繆用中妻年二十八夫死遺二子極幼氏治夫喪畢家益窘諸親勒改適陳泣曰死即死耳苟失節何以見亡夫于地下毀面爲誓事姑終天年喪葬如禮教二子最嚴左師陷城自縊死

王秉陽妻洪氏

按九江府志洪氏彭澤王秉陽妻故宦王演嚙媳洪維幹女左逆南下逃陶潭鄉遇賊欲掠氏去罵曰吾父何人吾翁何人汝敢辱我罵罵不屈賊怒拔刀砍

其左臂復斬其首

萬世奇妻朱氏

按瑞昌縣志朱氏萬世奇妻李賊寇瑞昌氏度不能自全歎曰計惟一死可以見舅姑于九原恨不得吾夫與子一末訣耳俄頃曰必俟面訣將不得死所遂自殺

鄧調元妻陳氏

按弋陽縣志陳氏名桂英儒士鄧調元妻元克敦孝友以疾早亡桂英抱屍大慟誓欲身殉延至大年託子於叔鍵戶自經時年二十七邑令親往弔之勒石表其墓

邵其德妻湯氏

按貴溪縣志湯氏諸生邵其德妻參政邵伯悌孫媳崇禎末兵亂避居潛源兵至執氏強挾上馬氏罵不絕聲佩刀自刎兵怒裂其屍而去

畢貞士妻吳氏

按貴溪縣志吳氏畢貞士妻嫁二十餘年無嗣事姑益孝事夫益恭勤儉慈惠鄉黨稱賢國變貞士盡忠吳曰夫死吾豈獨生乃置酒與家人末訣投水而死

陳夢禧妻江氏 楊氏附

按貴溪縣志江氏陳夢禧妻丙戌被兵掠脅去至溪邊抱幼子投水中大呼曰不願受污者俱從我其姒楊氏感其義亦抱子同赴水死

王遵魁妻李氏

按金谿縣志李氏王遵魁妻遭亂懼辱投井而死

吳憲中妻何氏

按臨川縣志何氏孝廉吳憲中妻夫沒於京氏誓不

獨生初投河爲婢所救乘間復投屋後池中死

戴坊女

按樂安縣志戴坊女名新喜許嫁曾氏子未歸曾氏子亡計至女易服自縊死

郭由謙妻聶氏

按樂安縣志聶氏郭由謙妻流寇入縣橫肆淫劫聶方孕被執不從投井死賊取其屍破腹出胎以鎗挑之爲戲

張海四妻陳氏

陳寵四妻張氏

張子敘妻陳氏

王求興妻賴氏

王茂五妻曾氏

按樂安縣志已上十人俱崇禎壬申遇賊死節有詔旌表

董端一妻楊氏

張子燧妻陳氏

董旭二妻丁氏

張湛九妻淑姑

按樂安縣志已上八人俱崇禎壬申流寇至殉難死

曾氏女

按樂安縣志曾氏女名萸英初許聘張弘繹未歸弘繹與母俱病篤遂往張事其母弘繹亡益竭力弗辭勞瘁半載弘繹母亦沒父母勸他適女給以他故焚香告天自縊而死

陳大望妻王氏

按樂安縣志王氏名道英陳大望妻崇禎壬午不受

按樂安縣志王氏名道英陳大望妻崇禎壬午不受

按樂安縣志王氏名道英陳大望妻崇禎壬午不受

按樂安縣志王氏名道英陳大望妻崇禎壬午不受

寇辱墜崖死

李二妻袁氏

按宜黃縣志袁氏李二妻崇禎壬申寇遶城下袁被執至貫虹橋罵不絕口賊怒剖其腹投之橋下時城守者見之莫不嘆息中丞解學龍爲文祭之

吳瑀妻黃氏

按建昌府志黃氏吳瑀妻年十七歸瑀越二年瑀以刺血寫書焚柩前冀相從地下飲毒自縊兩爲家人所救臥不就榻非祭餘不食哀毀骨立而死

劉祥妻黃氏

按建昌府志黃氏廣昌人劉祥妻家貧甚紡績以資姑養祥沒橫民轟姓者聞其美賄其父母舅姑欲娶之氏遂赴水死

揭廷才妻傅氏

按廣昌縣志傅氏廩生揭廷才妻年十七于歸踰年才亡傅哀慟欲殉姑諭之曰子年八十且盲汝死予安能獨生傅乃感悟遂以刀破面誓無二志勤織紉以養姑姑病百計莫療刺血和湯以進逾數年姑沒傅泣曰前未敢殉夫者爲姑也姑逝予何爲生遂絕粒七日而死

傅開新妻艾氏

按瀘溪縣志艾氏傅開新妻同夫避寇於初居渡寇至匿於山被執就道渡橋艾遂赴河而死夫感其義不復娶祝髮爲僧

欽定古今圖書集成明倫彙編閩媛典

第八十七卷目錄

閩烈部列傳四十三

明三十八



羅欽堯妻李氏女敬始胡原長妻會氏劉氏附

王徵明妻會氏左與國妻朱氏

廖伯鐸妻吳氏李雙桂妻彭氏

甘棠茂妻王氏彭克成妻袁氏

劉一菁妻甘氏王道明妻易氏張氏楊氏附

潘鑾妻翟氏劉先四妻易氏

劉峻植妻聞氏郭氏父妻易氏

汪偉繼妻耿氏王懿真

李秀妻達氏許坦妻吳氏

華氏張氏毋承恩女

徐思毅妻薛氏厲一鶴妻黃氏

金馨妻馬氏楊阿三

孫某妻程氏孫繼善妻謝氏

程有倫側室劉氏張國權妻魏氏

胥庭治妻任氏張義瑞妻章氏

厲振鴻妻孫氏夏應昇妻葉氏

詹明宇妻左氏黃氏

吳復妾楊氏杜鍵妻黃氏

朱氏女趙某妻楊氏

徐德甫女王經妻朱氏

宜氏女朱光政妻袁氏女

夏清妻劉氏張起祥妻張氏

謝湯妻汪氏程可祥妻汪氏

謝繼緒妻蔣氏孫鶴妻姚氏

程德明繼妻盛氏尹椿妻張氏

方長憲妻洪氏汪一功妻程氏

方文明妻鄭氏江禹治妻許氏

鄭燮小妻王氏汪永錫妻孫氏

鮑雲翔妻李氏汪應宿妻鮑氏

吳寬浩妻鄭氏方瑄妻汪氏

潘家會妻徐氏吳勳妻謝氏

羅光祖妻黃氏黃九叙妻程氏

方勝汪友節妻吳氏

程如璵妻汪氏鄭瀚妻程氏

胡周保妻項氏胡鑰妻程氏

汪彥雲妻洪氏黃正笏妻程氏

張友妻洪氏鮑師周妻洪氏

洪氏女江驚妻姚氏

汪會一妻黃氏鄭獻妻汪氏

程正乾妻吳氏吳誠妻鄭氏

吳萬美妻朱氏吳琥祥妻閔氏

項長眉妻程氏吳敦義妻胡氏

項啓進妻張氏項秋士妻汪氏

吳嘉與妻潘氏項志震妻吳氏

程邦彥妻徐氏劉昌妻洪氏春香附

姜氏吳氏吳洵妻張氏

項大老妻吳氏方大法妻程氏

方憲濂妻金氏汪知幾妻蔣氏

王伯壽妻鮑氏洪令德妻程氏

汪繼蔭妻黃氏金如坊妻吳氏

戴時達妻汪氏程天受妻汪氏

程其賢妻王氏吳道成妻孫氏

程繼妻汪氏范師聖妻汪氏

汪湛然妻程氏陳邦偉妻范氏

黃道生後妻吳氏朱之偶妻汪氏

吳維城妻程氏金吾妻妻查氏

汪友賓妻吳氏王廷薦妻吳氏

蘇廷燦妻汪氏劉師基妻金氏

黃起說妻程氏潘英妻許氏

查懋功妻江氏何金妹

王鏡妻梅氏朱一片妻程氏

奚克泰妻汪氏孫尚選妻張氏

胡森枝妻李氏陳上受妻焦氏

汪新妻江氏李一程妻湯氏

崔士郁妻李氏夏可倚妻程氏

朱修妻周氏徐僅妻王氏

桂三秀妾萬氏桂九花女

徐正陽妻陳氏陳堯廷妻孫氏

諸大箴妻劉氏江棠女

陳璧妻程氏王一女

劉牛女吳應箕妻李氏

馮時得妻鄭氏蘇瓊妻舒氏

江未祐妻馮氏柯鳳吉妻鄭氏

洪某妻趙氏汪有源妻胡氏

徐志通妻余氏柯廷玉妻曹氏

姚時中妻柯氏方有淑妻金氏

徐鼎祥妻陳氏

蘇仁賓妻徐氏

檀魁妻金氏

余心浩妻汪氏

童承禧妻徐氏

鄭氏女

吳森妻陳氏

童氏女

熊遠魁妻包氏

汪炳章妻氏

熊士章妻張氏

何應華妻孫氏

檀之堅妻高氏

施某妻沈氏

程氏裴氏

崔啓彌妻奚氏

洪某妻檀氏

陳氏女

章召妻徐氏

杜鉉妻章氏

曹靜娥

朱文榜妻闕氏

章讓妻柯氏

程鼎卿妻江氏

杜宣妾菊華

徐清妻王氏

王富妻黃氏

鮑三老妻胡氏

徐瀨妻檀氏

胡翰忠妾江玉容

朱之相妻吳氏

寧士望妻曹氏

郭應春妻江氏

吳某妻鮑氏

何文字妻江氏

王應鳳妻羅氏

孫廷祚妻包氏

孫遠祚妻熊氏

孫睿妻柯氏

章日昌妻鍾氏

王學大妻某氏

余繼懋妻陳氏

朱宗妻某氏

邵一仁妻顧氏

丁應運妻某氏

余儒道妻某氏

余應泰妻葉氏

某氏

余日智妻丁氏

章國藩妻張氏

閨媛典第八十七卷

閨烈部列傳四十三

明三十八

羅欽堯妻李氏 女敬姑附

按吉安府志李氏羅欽堯妻年二十一夫歿斷髮守節前妻女敬姑適李亦早寡歸守值兵起李氏語敬姑日時至此止有一死耳丙戌兵入境遂俱赴水死有司旌其閭

胡原長妻曾氏 劉氏附

按吉水縣志曾氏胡原長妻年十七歸胡家貧傾廬以資日用不恤已而家饑至鉅萬未嘗以富於人後原長以鄉人累坐戍邊尋死曾與子婦劉抱其孤孫于旅邸中孫忽病殤劉即自經死曾亦自經為人救甦慨然曰吾夫亡不死尚憐此孤弱故忍死冀長養之今復死矣吾何用生為旋不食死時年四十二

王徵明妻曾氏

按吉水縣志曾氏王徵明妻年十六歸徵明逾年生子璽徵明死氏水漿不入口者五日已而念王舅姑老藐孤無託勉稱未亡人事王舅姑以孝撫幼子以義方柏舟之操數十年如一日及王舅姑歿遺一幼女氏代撫成人既嫁念氏教育恩事之如母每相抱泣曰爾於我特少十月懷耳聞者皆為泣下崇禎癸酉子璽舉於鄉丁亥冬節鉞劉一鵬軍抵上游多擄掠氏避山中侍兒誤傳兵至遂投深潭死劉文忠為之傳

左典國妻朱氏

按末新縣志朱氏左典國妻賊賊入末新執朱欲犯

之臨以白刃不從有僕汝念者請以身代賊怒斷其頭朱仰天大呼罵聲愈厲賊遂割其腹腸出而罵猶不絕乃復截其舌事聞立廟祀之

廖伯鐸妻吳氏

按新淦縣志吳氏廖伯鐸妻崇禎十六年流寇淫劫鄉村執吳欲污之吳罵曰寧死無辱竟斃於刃

李雙桂妻彭氏

按新淦縣志彭氏子簾長女年十四歸邵州書生李雙桂冠至義不受辱厲聲大罵寇怒割其腕殺之寇退乃斂顏色如生有司表其閭

甘棠茂妻王氏

按袁州府志王氏萍鄉諸生甘棠茂妻崇禎丁丑十一月楚賊潰萍夫婦俱被執賊欲污氏給曰夫在側不可且彼書生執之無用不若釋歸相從未晚賊如其言遂釋生攜氏出城南過萍實橋投江死賊平邑令程之敦親臨江為文祭之

彭克成妻袁氏

按袁州府志袁氏字鳳英年十八歸宜春諸生彭士俊子克成癸未左兵至袁從姑易氏匿山中被獲殺其姑挾袁欲與俱往袁哀罵不絕躍入江流為兵刺死事平郡守傳元禱請旌表

劉一菁妻甘氏

按袁州府志甘氏宜春人父名啓元以貢官饒州教授氏年十七適劉一菁婉孌曉大義年十九夫亡無子拮据葬夫服除母家為計再適劉氏族姓亦以氏少寡無子義難強留氏曰我未讀書不知古節婦事但聞人言忠臣烈女有死無一嘗心識之今惟固守

此語紡織以終餘生雖死無怨遂中分其產以半遺二伯氏安貧茹苦動循禮法平居親俗罕見其面崇禎癸未冬遭左兵掠挾氏勒其資氏大罵被殺

王道明妻易氏

張氏楊氏張氏附

按袁州府志易氏宜春人廩生王道明妻性溫淑孝事舅姑癸未冬避賊遠村爲左兵所獲牽其手易憤罵曰吾手豈可污奪刀自斷之復曰何不速殺我賊遂殺之事平有司旌表同時彭汝明妻張氏諸生彭汝聽妻楊氏彭汝楫妻張氏俱以不從遇害

李京之妻劉氏

按袁州府志劉氏貢士李京之妻宜春人性慈和治家有聲癸未冬偕子女避賊山中左兵獲之劉知不免卽吐罵求死兵百計窘逼終不可奪遂殺之

潘鑾妻翟氏

按宜春縣志翟氏廩生潘鑾妻崇禎癸未左兵肆掠氏年甫三十挈幼子避山巖兵圍之氏度不能脫奮身巖巔投石擊兵毒罵不絕口置子茅葦中引刀自刎投巖下而死

劉先四妻易氏

按宜春縣志易氏劉先四妻性貞靜端莊癸未被左兵擄挾不從投清瀝江而死

劉峻植妻聞氏

按宜春縣志聞氏庠生劉峻植妻癸未冬左兵猖獗擒欲污之氏堅拒厲叱罵不絕聲兵怒甚拔刀亂砍身受數十創而死

郭氏父妻易氏

按南康縣志易氏郭氏父妻寓居大庾崇禎辛未流

寇鍾三石犯境破府水城執氏逼之不遂割其陰而殺之有司共旌其閭

汪偉繼妻耿氏

按江南通志耿氏檢討汪偉繼妻上元人隨夫官京邸崇禎甲申從夫死難建祠縣治

王懿真

按江寧府志王懿真錦衣指揮王賓妾資亡懿真欲自殲家人防之屏食垢面哭不絕聲卒自經死子琚甫百日

李秀妻達氏

按江寧府志達氏李秀妻六合人夫溺死氏自縊

許坦妻吳氏

按江寧府志吳氏六合人許坦妻夫死翁姑欲嫁之遂自經死

華氏張氏

按江寧府志華氏朱熙耀妻張氏熙代妻何客人姁娒孀居同守舍大兵臨城衆皆逃散華張身受數矢赴水死華氏子之塔張氏二幼女皆哀泣自溺

毋承恩女

按江寧府志都司毋承恩女上元人許聘姚某未嫁而夫亡易服毀容聞葬期自縊死

徐思毅妻薛氏

按江寧府志薛氏太學徐思毅妻溧水人夫亡或犯之持剪刺犯者復自刺死

厲一鶴妻黃氏

按江寧府志黃氏諸生厲一鶴妻六合人流寇至縣氏與夫奉姑避與賊遇欲殺其姑與夫而掠氏氏詭

從賊使釋姑與夫度去遠投水死

金馨妻馬氏

按江寧府志馬氏金馨妻六合人值亂爲兵所掠罵不絕口身被七矢投河死

楊阿三

按江寧府志楊阿三居孔廟浴沂橋側夫廢業而貧將挈阿三鬻身爲奴阿三諫不聽抱幼子投橋側小池死

孫某妻程氏

按江寧府志程氏新安程仲權孫女孫某妻祖父皆有詩名居林陵關遭亂焚掠欲犯氏氏紿曰屋後池中有藏鏹可取之去因躍入池中罵詈不已兵怒甚以箭刺之池水盡赤而死

孫繼善妻謝氏

按江寧府志謝氏諸生孫繼善妻六合人無子立姪姪死曰吾無望矣遂自經

程有倫側室劉氏

按江寧府志劉氏太學程有倫側室程長劉四十餘歲倫亡絕粒不食十四日而死

張國權妻魏氏

按江寧府志魏氏江寧人魏珠女張國權妻居淳化鎮宋墅村遇兵被掠怒罵不從抱幼子投池死

胥庭治妻任氏

按江寧府志任氏諸生胥庭治妻遇亂兵夫婦俱投水死子時逢時迎相繼皆自溺

張義瑞妻章氏

按江寧府志章氏張義瑞妻六合人爲兵掠投水死

厲振鴻妻孫氏

按江寧府志孫氏厲振鴻妻六合人歸厲六月夫亡絕粒死

夏應昇妻葉氏

按江寧府志葉氏六合人土寇之亂夫病不能避氏抱子投水死

詹明宇妻左氏

按江寧府志左氏詹明宇妻六合人被掠不從同夫投河死

黃氏

按江寧府志黃氏失其夫名亡亡翁姑欲奪其志自刎死余孟麟作歌弔之

吳復妾楊氏

按江寧府志楊氏安陸侯吳復妾復守黔陽沒於官氏自經以徇高帝手詔曰楊氏身處偏微深知大義慨然自經從侯地下跡其志操雖秋霜勁柏何以加茲其追封貞烈夫人

杜鍵妻黃氏

按江寧府志黃氏杜鍵妻鍵大將軍弘璋子將軍家金陵老而食貧鍵混跡行伍病死氏方少艾或勸改適不應禮高僧臥雲難髮為尼受具戒半夜縊於柩旁有司釀分殮葬之

朱氏女

按江寧府志朱氏女父諸生嘉試溧水人許字陳彥璽及并彥璽溺死哭請於母欲往弔父弗許有徐氏者強委禽焉女聞之以筆書几上曰願葬陳墓側遂自縊死縣令迎柩歸合葬焉

趙某妻楊氏

按江寧府志楊氏京衛人武進士楊應乾女趙某妻夫陣亡氏投河死

徐德甫女

按江寧府志徐德甫女句容人年十七方許聘兵至欲挽上馬女堅拒兵怒斫其左臂痛仆于地後來者見其雖被創而貌甚美力欲挽之去女大罵死於亂刃下

王經妻朱氏

按江寧府志朱氏王經妻六合人夫失足墜樓死氏自縊

宣氏女

按句容縣志宣氏女許聘臨泉鄉池頭村湯維藩年十五未嫁藩病亡女自奔湯堅志不嫁父母逼之赴水自溺救甦痛哭未數日而死葬兩山與藩兩塚相望

朱光政妻袁氏

按六合縣志袁氏諸生袁駒女幼適朱光政政孱弱多病氏三割股以救之光政亡哀號七日不食自縊而死

夏清妻劉氏

按六合縣志劉氏邑諸生夏清妻甲申五月叛兵掠棠邑氏攜女隨姑避河濱蘆葦中賊騎延及洲渚氏覓清與訣不得遂棄女別姑投河死越數日得其屍於龍津橋側面目如生衣衫完固所攜簪珥猶在懷袖間

張起祥妻張氏

按六合縣志張氏張起祥妻甲申之變避難舟中賊船至欲污之氏曰我有諸衣物在船頭汝先取去賊隨出氏挈幼女投水死

謝湯妻汪氏

按歙縣志汪氏謝湯妻湯病癩會倭寇至居人奔竄湯亦狂走至宣城誤為遊兵所執以形類寇見殺汪聞計即投水次日屍端坐石上仆

程可祥妻汪氏

按歙縣志汪氏疎川程可祥妻績溪汪有章女年十七歸程居五載祥死汪絕粒十四日而卒計夫婦聚首僅三月

謝繼縉妻蔣氏

按歙縣志蔣氏謝繼縉妻年十八縉死蔣亦自縊姑持救之後絕食五日以斧自擊傷額鄰婦守護甚衆因縉樓自隕石階為斷至今以斷石識其墓門

孫鶴妻姚氏

按歙縣志姚氏溪南人孫鶴妻鶴貧備食里中及亡姚自經以死曰吾學解身小娘也小娘謂吳誠妻鄭氏

程德明繼妻盛氏

按歙縣志盛氏新鄉丞程德明繼妻明沒於官盛侯家人扶輓還盡以肩鐻付之夜半自縊死監司郡邑皆致賻奠

尹椿妻張氏

按歙縣志張氏潭渡尹椿妻椿病二年張亦同病椿亡張罄所有備二棺殮椿畢乃衣衫服仰臥棺中謂家衆曰盍閉以畢吾事久之不得死自起取石灰和

鹽飲之復入臥遂絕

方長憲妻洪氏

按歙縣志洪氏結林方長憲妻憲死哀毀骨立及葬自營生墳其旁有鄰寡竊嫁人悞疑洪乃大恫曰鄰婦汚我半夜自經死旦而墳所營墳土裂五寸許

汪一功妻程氏

按歙縣志程氏大里汪一功妻待年時聞一功病瘵自請歸侍湯藥比一功垂絕遂先自縊後一功病愈

方文明妻鄭氏

按歙縣志鄭氏鄭鏜女淪潭方文明妻明死絕粒不食晝夜號泣旬日而死

江禹治妻許氏

按歙縣志許氏新安衛人在城江禹治妻年十七治亡許守志事舅姑媒氏誘之嫁許怒閉門哭明日往治墓盡燬其羅綺而歸斷飲食咯血而死

鄭燮小妻王氏

按歙縣志王氏鄭燮小妻燮客亡王俟櫬歸葬畢自經死

汪求錫妻孫氏

按歙縣志孫氏草市人松明山汪求錫妻錫食貧病瘵孫擬待錫俱死因人言遂先十日自盡

鮑雲翔妻李氏

按歙縣志李氏棠樾鮑雲翔妻槐塘李汝春女翔沒維揚喪至奉柩葬畢閉室自縊及殮則衣帶裙襪無不縫緝甚固

汪應宿妻鮑氏

按歙縣志鮑氏西沙溪汪應宿妻宿貧久病感鮑

勞苦告母為擇善配鮑聞先三日死

吳寬浩妻鄭氏

按歙縣志鄭氏茆田吳寬浩妻夫亡氏年二十拮据苦作以養姑姑沒兄子尚文無賴陰受人聘以計給將使與人擁去鄭知號咷無及遂伴更衣閉戶自經死里人鳴於郡邑實尚文于理監司給實埋葬

方瑄妻汪氏

按歙縣志汪氏岩鎮方瑄妻瑄亡無子家貧甚守志事姑無何夫叔逼之嫁汪遂仰藥死

潘家會妻徐氏

按歙縣志徐氏岩鎮潘家會妻朱方徐度女年十三歸養于潘事姑甚謹及婚數月會以賈出病瘵殯死而返徐侍湯藥晝夜不怠及會死遂自經

吳勳妻謝氏

按歙縣志謝氏澄塘諸生吳勳妻勳遊學及於東浙謝晝夜哀號絕食五日而死

羅光祖妻黃氏

按歙縣志黃氏呈坎羅光祖妻潭渡黃衍慶女光祖病疽氏躬親吮洗及亡引刀觸石求死左右防護不得久之稍息遂自縊年二十三

黃九叙妻程氏

按歙縣志程氏潭渡黃九叙妻叙客死湖陰計聞程念舅姑尚厝淺土留簪耳為葬資餘悉分之親族更衣自縊絕粒十七日死

方勝

按歙縣志方勝北山方渭女幼許聘稠墅汪鳳時後十五年鳳時死女斷髮絕粒誓以死殉父母諭之百

端不聽欲一見汪母母至女拜泣曰願以歸得拜郎君墓父母察其不可奪令汪遣車逆之至墓褰帷視已經死遂合葬之

汪友節妻吳氏

按歙縣志吳氏潛川汪友節妻溪南吳正寵女友節就學松江病亡吳聞計絕粒而死年十九

程如璜妻汪氏

按歙縣志汪氏臨河程如璜妻石岡汪若水女璜乃方伯旦之孫家甚貧且病癰汪嫁時或諷之緩期以觀變女謂母曰貧富壽夭命也奈何以盛衰改節歸六年而璜沒氏強食營葬事耐瘞于璜右服衰經自經死

鄭瀚妾程氏

按歙縣志程氏岩鎮諸生鄭瀚妾歸瀚三年瀚亡既葬程遂市肉半真毒自食以其半奉瀚母詰其故泣對曰妾不得久侍左右矣瀚母勸諭之不聽至瀚墓慟哭歸拜瀚母前毒發而死

胡周保妻項氏

按歙縣志項氏方塘胡周保妻保病垂死以項少艾令無守志項請先死以明志遂自經

胡鑰妾程氏

按歙縣志程氏馬嶺人胡鑰妾從鑰妻方氏嫁至胡方早歿程撫其女惟謹既而鑰死程絕粒不食將葬恐不亟死復引帶自經呼鑰而絕

汪彥雲妻洪氏

按歙縣志洪氏桂林工部侍郎文衡女適叢睦茂才汪彥雲雲中天啓丁卯副軍抑鬱而死櫬還洪將以